


欽定八旗通志

人物志

卷二百三十八
之二十四



欽定八旗通志卷二百三十六

人物志一百十八

循吏傳三

漢軍鑲白旗

漢軍鑲白旗外任官

白登明

白登明字林九漢軍鑲白旗人世居遼東蓋平順

治二年方弱冠以

廷試拔貢生授河南柘城令時鼎革之初疆圉甫定盜

賊尙多登明偵擒其魁悉按以法羣盜屏息設條
教勸耕讀考最陞江南太倉州知州才益練達剔
弊懲奸清糧除耗問疾苦察冤抑尊賢禮士敦孝
重節杜淫侈訓儉樸嚴逐優娼禁止師巫善政無
不舉海場民居因亂蕩析登明召沙民開墾遂成
村落十年九月海寇犯劉河堡闌入內地居民驚
沸登明備禦有方寇宵遁十六年夏海寇破鎮江
勢猖獗太倉爲海隅要衝征勦之師四集雲擾登

明鎮靜應之民恃以無虞迨寇由江寧敗回急攻
崇明火礮聲連三晝夜城垂破巡撫蔣國柱治兵
策應無可使渡海先達信者登明乃自駕一艘夜
半飛渡叩城攀縲以入衆始知援兵將至守益堅
寇力窮遂遁州水之下流曰劉河歲久湮塞上江
低窪者困於潦本州高亢者復困於旱蓄洩無所
資登明相視劉河北支有宋范仲淹新塘遺跡名
曰朱涇請於院司開鑿五十里於是蓄洩有濟巡

按李森先知其能檄開大劉河六十里復故跡於是震澤東北諸水並得入海爲一郡利所屬崇明縣民田舊額正課外有蘆課銀一萬三千餘兩一田兩賦力請於院司題請免之州有大蠹吏設法擒而斃之蠹習遂息明於聽斷鄰邑有疑獄院司恒委令審讞遠邇頌神明焉性骨鯁不媚人有大帥求婚請再三登明薄其人終弗許未幾大帥果以事敗又有大吏按州恣索私賄弗從拂其意欲

甘心焉先是寇棘時巡撫檄索餉許別項抵補因以雲南協餉應之大吏卽以擅那協餉糾叅遂至落職未幾大吏以事敗州人以登明在任正薦五紀錄五卓異一保舉要郡太守一又有疏河定亂諸功皆未題敘列治狀籲請院司滌洗註誤復在終弗能得坐廢二十餘年會福建有事例許入資贖註誤登明貧不能贖總督姚啟聖巡撫吳興祚素知登明以良吏負屈代爲捐贖依例開復補

任高郵州甫抵任值諸湖水漲決清水潭堤役繁
苦登明設法授食禁吏胥侵尅役夫踴躍堤成名
曰永樂歲荒請蠲賑勸富民分食全活萬衆明年
再荒四野大潦再請蠲賑艤舟救溺饑者予粥病
者予藥憂勞盡瘁竟卒於官宦橐蕭然高郵人助
資以殮哀聲震野如喪怙恃太倉士民間訃亦巷
哭設祭於生祠咸謂宜祀於名宦因列名公請於
學臣以康熙二十六年四月奉主入祠州人顧士

璉嘗佐登明開三河又爲著開江書以良法貽後
云去太倉任三十餘年民思念不已齒涇鎮民肖
其像於三官廟又州城西郊及壽菴沙溪諸處民
並建祠祀之

白允明

白允明字正純登明仲弟少與兄及弟啟明並就
傅學舉子業比壯兄以拔貢得官弟亦補弟子員

乃慨然曰

國家肇基東土從入關者多以武功翼運今天下雖
大定然西南尙有逋寇依托明藩竊據雲貴侵擾
川湖兩廣兵革不息正志士効命之秋也乃習韜
鈴精武事允明固長身善射意氣慷慨識者以大
器期之順治十二年

朝廷以比歲南征失利連損大帥日久未能奏績
勅下八旗簡拔武畧人材本旗首以允明應
詔卽授雲騎尉品級章京十五年隨安南將軍明安達禮

率兵駐防貴州明年移駐荊州十六年七月海賊
鄭成功入寇陷鎮江瓜洲直犯江寧樓櫓甚盛連
八十三營又於上江下江及江北等處分布賊艘
阻截要路允明隨明安達禮自荊州赴援八月至
江南時鄭成功已爲滿漢大兵所破遠颺入海而
分布江南北兩岸賊衆猶焚掠蔓延允明隨明安
達禮以初八日至荻港聞賊船千餘隻越江寧泊
三山峽隨分兵前進至舊縣地方擊偽都督楊文

英等於揚子江口大敗之擒斬偽副將一員獲船隻器械無算捷疏入

告下所司議敘時京口新設駐防將軍石廷柱等奇允

明材畧留於京口以防守官補用康熙十年將軍

柯永秦題補本旗叅領十三年逆藩吳三桂耿精

忠叛亂海寇亦乘機窺伺江南京口爲重鎮控制

江海時三等伯王之鼎來爲鎮海將軍蒞官甫數

月念中軍副將爲全標節制總會甚難其人訪於

部曲共推允明遂特疏

題補允明感知遇首列狀白於將軍言逆藩叛亂人

心惶惑江海之防在於戢兵安民以定人心南方

初設駐防軍紀未肅兵丁縱營馬踐食田禾甚或

放牧學宮士民苦之墓木爲民間最珍護者營兵

貪樵蘇微利髡伐不忌民尤傷心汛守巡江本以

譏察非常而兵弁藉以騷擾沿江村鎮鹽課上關

國計營兵結私梟捩賣引壅不行又私放印子錢剝

算貧民追索酷暴至於攘奪並當嚴行禁止而伐民墓木尤重請以軍法從事之鼎悉如所請於是號令一新猶恐屬員奉行不力時時親出訪緝又遣親信兵弁四出採捉於是全標凜凜奉法士民歡呼鼓舞以爲自設駐防以來未之有也是時南方九省雲擾所在亡命哨聚響應惟鎮江一帶無枹鼓之警允明之力爲多至於扣剋餉銀及虛冒籍伍差操累衆諸弊革除必盡故馭衆甚嚴而兵

弁仍悅服焉十八年崇明協鎮關員崇明爲縣孤懸海中三沙河合爲海賊入寇咽喉要地

特旨加允明爲都督僉事往鎮其地二十五年

廷議三藩既定海宇又安旗員任營鎮者並令還京師允明以廣東駐防營員叅領需人特令改補尋以久居炎方水土不習乞病北歸四十二年卒於家子四人潢仕至大學士洵仕至廣西按察使雍

正元年二月子潢遇

恩詔贈允明光祿大夫文華殿大學士兼兵部尚書是歲
鎮江士民追念允明駐防時功德羣請於江南江
西總督查弼納等崇祀名宦祠
白啟明
白啟明登明季弟康熙十六年由舉人累任至南
安府知府時當三藩變亂田地荒蕪百姓乏食啟
明設立義倉借貸救濟捐給牛種俾失業者開墾
力耕萬民得甦其男婦之被掠者捐俸取贖使室

家完聚兵燹之後家廢絃誦啟明創立義學捐俸
延師教習貧士皆得肄業養教兼舉二十八年陞
分巡南贛道詰奸除暴訟簡獄清革除陋規屬吏
畏威守法贛郡界連閩粵奸宄出沒無常啟明嚴
飭捕緝民賴以安癸酉甲戌連歲荒歉米價騰貴
首倡捐賑請發倉穀平價糶賣民皆賴之贛南兩
郡城垣倒塌率屬員捐資修理兼表彰理學修葺
道源陽明兩書院諸生肄業其中給以膏火文教

聿興五十七年崇祀名宦祠其中命以濟水火

王秉忠

王秉忠漢軍鑲白旗人順治十八年任南康知府
葺白鹿洞書院振起人文賑恤饑民修治橋道在
任八年惠政甚多康熙五十年崇祀南康府名宦
祠同旗有蕭永茂者康熙三年任四川溫江縣知
縣甫下車即咨訪地方利弊勸墾荒田掩埋枯骨
招集流移期年民盡復業至今稱良吏焉亦崇祀

本縣名宦祠

李德耀

李德耀漢軍鑲白旗人康熙四年任四川印州大
邑縣知縣自奉儉薄以簡約為政嘗單騎遍閱原
野相視水利俾民開濬功不勞而自集無旱澇之
患凡先賢祠宇必重加修葺立碑以誌之民思其
惠久而不忘五十年崇祀本邑名宦祠

王國泰

王國泰漢軍鑲白旗人世居奉天蓋平縣康熙十二年任福建福州府同知時逆藩耿精忠潛蓄異謀國泰每偵其陰事聞於總督范承謨尋改泉州同知就遷驛傳道會耿逆甫平海氛尙熾軍需旁午國泰籌畫有方民以無擾俄泉州告警國泰募壯勇得數千人授以衣糧甲仗率先奮擊賊衆大潰泉圍以解敘功增秩擢安徽按察使閩人祀之名宦祠

張翼鵬

張翼鵬漢軍鑲白旗人初任筆帖式陞部曹康熙十七年外補福建巡海僉事道時逆藩耿精忠變亂之後兵民雜處翼鵬請於督撫運濟糧糈給房以住兵民得安初永定縣陷賊男婦離散翼鵬力爲安集復五千餘家而龍巖民苦轉輸奸民謀爲亂翼鵬單騎曉諭反側始安尋遷廣東分巡副使道閩人思之崇祀名宦祠

徐崇禮

徐崇禮漢軍鑲白旗人由兵部筆帖式知湖廣德安府應城縣康熙十八年陞許州知州許州地多荒蕪崇禮多方勸墾三二年間盡成熟地又設立義學訓民間子弟月課嚴於論文人材成就者甚多學宮傾圮已久捐俸修葺煥然一新地有積水所淹者民不得耕種開溝渠使通大河歲大旱露禱日中三日而甘雨降嚴保甲稽察賊盜許有四

保一保之民有散處數保者錢糧難於催辦崇禮

釐正其籍使保有定處民不散居州人至今感之

三十一年卒於官崇祀本州名宦祠同旗有黃極者任四川江油縣知縣康熙十九年委署綦江縣印務有惠政未幾離任民咸惜之崇祀綦江縣名

宦祠

鄒翼明

鄒翼明漢軍鑲白旗人順治乙未進士康熙二十

年以禮部郎中出知汀州府賦性仁慈聽斷詞訟
片言立決囹圄爲之空虛時學宮傾圮翼明率僚
屬及紳士修之後崇祀汀州名宦祠同旗有遲痛
者康熙二十一年知四川蘆山縣縣分三鄉明制
照里甲定役康熙二十二年編審煇按畝均丁民
甚便之遂爲成例崇祀本縣名宦祠

董守義

董守義漢軍鑲白旗人康熙二十三年由廕監生

任四川達州知州在任期年有兇人手賊叔母假
以盜殺訴於州守義察其有異片言摘發其人
不能隱竟伏罪州人稱神焉督撫以才能薦居官所
至皆有聲崇祀達州名宦祠同旗有胡瑱者康熙
三十一年任四川瀘州知州清查田賦酌劑維均
民利賴之亦崇祀名宦祠

楊朝正

楊朝正漢軍鑲白旗人由侍衛出爲東昌府知府

到任後每月朔望親率僚屬宣講

聖諭傳集士民環聽仰體

朝廷養老至意歲暮擇年高者卹賞之行文各學教官課試生童解卷親閱獎勵備至每年春秋遍巡四野勸課農桑見田苗茂盛者賞荒蕪者罰於是家無惰民野無曠土訪知臨清有臨米臨銀二項奸弊叢集卽詳請巡撫題准歸併正賦項下民蒙其利二十四年三春無雨民不得耕種乃齋戒沐浴

同妻親自揀麥磨麵作供具焚香告於天曰若知府有罪願干天譴乞無降災百姓自亥時跪禱至子時沛然下雨是年大有時盜賊未靖民不安居因親查里甲按戶編牌令地方人等嚴驅奸宄盜遂屏跡東昌府向有挑淺水夫名色甚累民卽行文聊城令其申請布政司均役至今士民稱便凡理詞訟概不批委屬員大事執法小事准息數十年間訟獄衰少東阿縣教諭王瓊事繼母盡孝值

歲荒救饑民數百人朝正詳請布政司旌其善監
生崔允璧於通濟開設大橋一座橋之南北各施
義渡一艘亦旌其門王士傑捐資補東關石街親
置酒勞之由是郡人爭先向善郡城西南低窪每
逢大雨泛溢五六十里民遭淹溺者甚多朝正捐
俸銀三百兩屬武進士何必等監工創建大石橋
三座砌路六十丈又慮水大衝堤復捐俸銀五百
兩修築堅固府城始無水患二十五年春夏不雨

一二麥無成朝正自捐俸煮粥且勸紳衿協助於是
教諭王璜監生崔允璧展一鵬等各捐米數百石
又開倉發粟減價出賣民賴以活者甚衆臨清鈔
關巡攔不時擅到東昌擾害地方商人執從前碑
文合詞公籲朝正詳明督撫題請遵照舊例勒碑
以垂不朽行旅永賴焉今祀本府名宦祠子宗仁
仕至湖廣總督宗義仕至河南巡撫宗仁見世職
大臣傳

蔣毓英

蔣毓英漢軍鑲白旗人初以官生任浙江温州府同知時海氛未靖三軍駐衢征勦毓英悉心籌畫輸運糧餉仍加意撫綏嚴行保甲闔郡帖然康熙二十九年陞任江西按察使到任見學宮年久頽頹卽指資修葺並檄行各屬查學官凡有傾頽者悉估價報明公同捐俸修理一時學校無不聿新南昌北城有飛沙擁積上接城雉盜賊乘垣出入

難於守禦毓英爲捐資募夫剔除積沙並建豎木柵居民得以安枕三藩甫定河道尙多剽劫者州縣官隱匿不報毓英廉察得情檄令各縣查明船戶編立字號各給用印腰牌飭令未晚停泊守汛兵目以五船爲一伍十船爲一甲輪流支更守宿天明放行由是河盜屏息常親理監獄寒冬製棉衣分給囚犯尋陞浙江布政使赴任後衆囚聞之號泣數日康熙四十六年崇祀名宦祠

高起龍漢軍鑲白旗人康熙四十年任四川布政使檄州縣徵收

國課令民自封投櫃嚴禁陋規每遇編審年分俾里甲均平胥吏不敢為奸士民德之四十八年公請

崇祀名宦祠

高蔭爵

高蔭爵字澹菴漢軍鑲白旗人雍正元年改入鑲

黃旗初由廕生任直隸正定府蠡縣知縣遷湖廣安陸府同知康熙四十五年陞四川松茂道僉事疏濬都江堰水灌田民食其利督運黃勝關糧儲累署布政使按察使事凡所措置動合機宜後轉直隸口北道四川人至今思之崇祀名宦祠

董紹美

董紹美漢軍鑲白旗人由監生授山東沂州州同以卓異陞知州康熙五十九年任欽州正直廉明

申明倫理屏絕苞苴雍正三年卒欽州紳士感德設神主位奉祀天涯亭崇祀名宦祠

孫芳

孫芳漢軍鑲白旗人初以正四品職銜任河南陳州知州首革編審陋規會撥置閩兵至中州開墾安插營房各得其所民不擾害立社學置學田又釐正商水所侵故地疆界民頌其功尋陞雲南鶴慶府知府崇祀河南名宦同旗有朱廷梅者任江

南徽州府知府清白自矢潔已愛民善政甚多士民德之亦崇祀名宦祠

萬蕭裕

萬蕭裕漢軍鑲白旗人由監生任桃源縣知縣操守潔清聽斷明決滅火耗禁私派重農恤刑加意學校士民賴之崇祀名宦祠

以上二十二
人並舊志所載

學對士負博文德誦學可試

並四國通志
以士二十二二人

若新出諸國則亦於火轉於其

萬德新其軍裝曰旗人由是主

高直命

欽定八旗通志卷二百三十九

欽定八旗通志卷二百三十九

漢軍鑲紅旗

欽定八旗通志卷二百三十九

人物志一百十九

循吏傳四

漢軍鑲紅旗
藍旗

漢軍止監旗

漢軍鑲

漢軍鑲紅旗外任官

王清彥

王清彥字亮辰漢軍鑲紅旗人順治初授湖廣

陽縣知縣丁父憂起復九年補任直隸大名府魏

縣年少有肆應才猾吏蠹胥莫能施其好事至立

判案無留牘時軍興役繁清彥稽牌甲均頭役雖有力之家不得規免窮民無偏累之苦百姓感其德後內陞行人司行人縣民立石畫像以志去思復公請於督撫學政崇祀名宦祠

盧豫

盧豫漢軍鑲紅旗人康熙癸卯科舉人十六年任山東濰縣知縣朔望同僚屬宣講

聖諭十六條風雨不輟小民敦倫睦族教化大行夜不扃

戶每春下鄉勸農捐助牛種民無游惰田無荒蕪遇蝗蝻撲滅有方禾稼賴以無害捐俸修理翼宮又於北門外買田十畝爲義塚倡修大橋於東門外白浪河設立義學俾訓童蒙旌孝子節婦以樹風聲有節坊烈廟碑記傳世後陞湖廣荊州府同知崇祀山東名宦祠

徐鳳鳴

徐鳳鳴字祥宇漢軍鑲紅旗人順治八年任進賢

縣知縣其明年冬土寇入縣鳳鳴與鬪面受一矢
仍奮勇追賊手戮數十人賊懼引去邑賴以安事
載江西通志十二年調河南郝縣知縣縣當流寇
殘敗之後四野荒蕪鳳鳴撫輯招徠安插入里營
等處給地耕種名其保曰鴻宅保塚頭鎮河水時
發民多病涉鳳鳴捐修石橋以便行旅其禔躬極
廉潔聽訟極公明設立義學振興文教邑人歌頌
不衰十五年陞廣東儋州知州郝縣人思其德崇

祀名宦祠

韓昌先

韓昌先漢軍鑲紅旗人由貢生任浙江蕭山縣知
縣蒞事明敏政簡刑寬立里甲均當法使徭役均
而詭計弊絕至今遵焉卒於官民爲立社西郭以
祀之事載縣誌康熙六年九月崇祀名宦祠又同
旗有蘇宏謨者任貴州糧驛道時滇師凱旋供億
之繁日無寧晷宏謨游刃裕如毫無疑滯先是往

來差遣多以人代馬謂之夾馬夫民苦之又養馬
草料盡派民間宏謨悉爲革除民力以甦歿後崇
祀貴州名宦祠

黃道宏

黃道宏漢軍鑲紅旗人康熙七年由廕生知福建
詔安縣縣治負山濱海地瘠民貧俗多頑梗道宏
至卽減耗羨修建申明旌善二亭並設義學以勸
諭之詔安與粵之潮州接壤奸宄出沒道宏設法

撫輯皆歸本業會歲旱虔誠祈禱甘霖立沛十一
年遷臨江府知府閩人祀之名宦祠

張仲德

張仲德漢軍鑲紅旗人康熙十五年任廣東布政
使時粵東初平民多失路仲德廣爲招徠休養生
息免雜徭杜包侵絕差擾禁挪墊革火耗胥吏不
敢作奸田有瘠薄給牛種勸民力耕當大兵雲集
往征粵西南韶等府每苦兵餉不繼仲德措置得

欽定八旗通志 卷二百三十九
宜勸輸有法上不損賦下不擾民兵馬飽騰因得
恢復諸郡兵燹之後士子失業仲德勤加訓誨振
興文教貧士或衣食不周必多方周濟浮糧坍塌荒
繪圖詳告編審丁糧隨時消長計糧多寡定差之
輕重絕丁口混淆糧差偏累詭計之弊凡不便於
民者悉去之粵中有輕生惡習每因睚眦服毒自
縊民以病歿者亦架詞誣陷株連牽累其家立破
仲德徧諭嚴禁有假命圖賴者重治親人並罪鄰

人之不爲勸解者仍責令本家自行殮葬不許地
棍借端詐騙自是粵民無輕生者時征勦叛鎮祖
澤清兵馬雜還積屍甚多仲德捐俸買棺埋葬葬得
免暴露歿後士民僉舉入名宦祠

金鳴鳳

金鳴鳳字竹亭漢軍鑲紅旗人康熙十六年以恩
監生爲光澤縣知縣時逆賊初平村落殘燬鳴鳳
極意招徠常單騎巡行郊邑有強卒凌虐百姓鳴

鳳痛懲之寇至則統領鄉勇盡力捕殺嘗捐資施賑贖難婦給牛種恤農民以生以聚邑民賴之崇祀名宦祠

張至隆

張至隆漢軍鑲紅旗人康熙三十二年任肇慶府知府廉潔率下僚屬敬畏肅學校勸農桑飭保甲省刑獄士民頌之郡當牂牁下流歲三四月西流暴漲廬舍漂溺至隆親駕小舟躬先習士日夜督

率堤以永固從肇慶新橋而上人烟寥落山路多岐舟人以胡蔓毒藥爲香燃之客迷遂竊其資名曰悶香船至隆捕得悉投大江中其患始息民立祠祀焉

姚啟盛

姚啟盛字際斯漢軍鑲紅旗人以刑科給事中分巡贛南持大體不事煩苛而市井豪猾及吏胥貪墨者必繩以法先是贛城數被火災啟盛教民造

續在畚揭之具以備救護城東小山曰火焰山相傳以爲火祥因於路遠浚大井建閣於其上命名天一以壓之啟盛爲增修完固火患衰息贛江十八灘水險易溺爲置船拯救民無水患革雩都大庾之派積困以甦尋陞江西督糧道又擢布政使每遇贛州事輒留意曰吾未嘗一日忘贛也卒於官贛民匍匐往哭焉康熙十七年崇祀名宦祠

黃執中

黃執中漢軍鑲紅旗人康熙十七年授福建古田縣知縣時耿逆初定餘黨逃匿山中每出擄掠居民相率遷徙以避執中相率鄉勇攀藤附葛搗其巢殲巨魁八人餘黨潰散乃招撫流離各歸安業尋以丁憂去官服闋補浙江天台縣廉以持已惠以養民一如在古田時陞河南南陽府同知卒天台民懷遺愛崇祀本縣名宦祠古田縣亦崇祀名

宦祠

李遇時

李遇時字雨若漢軍鑲紅旗人康熙十八年任岳州府知府時吳逆之亂大兵初定岳州招撫流亡勸農息訟滇黔未靖親詣行間轉餉數百里所屬平江縣亂後多積逋遇時曉以大義民咸樂輸郡學傾圮捐資倡率修葺課士勸學振起文教重修岳陽樓廢墜咸舉士民公請崇祀名宦祠

黃胡雲龍

胡雲龍漢軍鑲紅旗人康熙二十一年由廕生知

四川隣水縣事招撫流移勸諭墾闢經畫井然民懷其德崇祀名宦祠同旗有王瑚者以康熙二十二年任四川溫江縣知縣性剛果能斷禁科派吏胥畏之無敢犯法者卒民人思之亦崇祀名宦祠

趙世安

趙世安字惟康漢軍鑲紅旗人康熙二十七年任浙江仁和縣知縣尋擢福建興化府同知強毅多

幹畧嚴禁賭博凡擄捕之歲有偵得者雖執袴子
弟必重懲之又請以罰鍰重修木蘭陂民懷其利
後攝招安縣事卒於官閩人祀之名宦祠

王登魁

王登魁漢軍鑲紅旗人康熙二十八年由貢生在
河南汝州知州設立義學培養人才延請名儒捐
俸供給文風丕變每逢朔望實力宣講

聖諭重修州志三十年秦晉大荒饑民流入中州登魁設

法賑濟全活甚衆蝗起露處郊野撲捕不遺餘力

遂不爲災先是魯山賊王二等依山嘯聚掠隣

境登魁親率民兵討平之三十二年運楚省糧賑

饑關中所經過州縣無不騷動登魁措置有方民

不擾累聽斷果決胥吏毫不敢欺舊例編審冊籍

里書那甲換乙登魁每編一里卽明張告示使人

人皆知那移之弊悉除三十三年薦舉卓異三十

四年六月陞江西瑞州府同知紳民列狀保留奉

首留任三十五年十二月陞工部員外民至今思其德焉
崇祀河南名宦同旗有劉天爵者康熙二十八年
任四川屏山縣知縣首重文教士習一新崇祀名
宦祠

劉廷璣

劉廷璣漢軍鑲紅旗人任處州府知府處郡累石
爲田十日不雨則旱十日不晴則潦廷璣蒞任閱
府城東有好溪堰西有通濟堰舊毀於水捐俸築

之蓄洩有資民賴其利康熙二十九年旱荒廷璣
上狀督撫並繪饑民圖以獻得請買米平糶饑而
不害尤留心訟獄所屬麗水縣民李某家被盜縣
捕盜首曹大鞫之扳連二十餘人獄具報府廷璣
察盜首甚黠疑其誣因閱所獲器械內有刀刻楊
祿字密訪之果有是人近不知所往遂於夜半取
曹大訊之曰本日獲盜楊祿供同黨惟爾餘俱不
知也曹大始吐扳連是實因踪跡楊祿捕獲之餘

皆得白民稱爲神君時當耿逆亂後學校荒廢廷
璣捐資改建廣其規制又建蓮城書院爲義學又
建南明書院爲講學之地親率諸生講誦膏火廩
餼畢備圭山舊有文昌閣久圯因重建之翼以橫
舍二十八楹擬列宿環拱文昌之象爲闔郡士子
精舍撥社田九十畝資其費既去任士民卽其書
院祀之累陞至江西按察使緣事降淮揚道生平
博學留心風雅所著有葛莊詩集在園雜記行於

世崇祀浙江名宦祠

張萬言

張萬言漢軍鑲紅旗人由恩監生累陞至瓊州府
知府在任七年潔已愛民多行善政康熙三十年
議設瓊商配引加餉瓊民呈稱瓊郡環海自古竈
戶皆自煎自賣設商則小民貴販難賣黎人食淡
恐生不測萬言據呈力爲詳請

題免是年大旱發穀賑饑士民感德四十五年士民

公請崇祀名宦祠

馬國楨

馬國楨漢軍鑲紅旗人由監生康熙二十九年任河南安陽縣知縣清介自持勇於除弊每逢朔望宣講

聖諭務令家喻戶曉民知向義留心民瘼遇水旱災荒或虔誠步禱甘霖立應或捐俸煮粥按戶散賑而且加意學宮重修庠舍廣搜經史置之齋房俾單寒

之士課誦有資邑素有水患國楨開濬河道境內遇旱則有蓄水之處遇潦則有洩水之區民咸賴之又邑中有孀婦張氏者夜被賊殺凶手未獲拘比鄰之馮三李三二人訊之馮三以李三是夜離家因而誣証其事久未白國楨忽假寐間若有神明指示之者曰馮三訊之始知事由馮三因拆視其衣見血跡猶存腥聞尙在馮三俯首伏罪邑人歎服在任十二載四十年陞廣西潯州府同知四

十三年又陞湖廣荆南道尋轉江南鎮江道五十二年丁憂回籍五十九年奉

旨派委運米進藏以疾卒於軍前河南人思其德公請崇

祀名宦祠

祝鍾哲

祝鍾哲漢軍鑲紅旗人康熙三十一年由廕生任江西撫州府知府入境日以生民爲念刑罰悉用輕典城牆傾圮者卽行修葺嚴禁催科加耗漕項

羨餘減香稅革積弊三十二年夏大旱齋戒步禱焦勞致疾歿於任合郡士民感念三十三年公請崇祀名宦祠

吳玘

吳玘漢軍鑲紅旗人康熙甲戌進士四十年任河南湯陰縣知縣內慈祥外嚴毅愛民如子而疾惡如仇興利剔弊政簡刑清設義塾置學田延名師訓課生童時親加考校多士振興四十二年

聖祖仁皇帝西巡面試經書稱

旨特調江南蘇州府長洲縣知縣士民至今猶歌思不置

云後崇祀名宦祠

熊惟傑

熊惟傑漢軍鑲紅旗人任浙江按察使性峭直然善拊循百姓杭州兵民雜處強弱不相能常多訐訟或訴於途有司驅車過不問望見按察使前節輒歡然曰熊父來事當白矣惟傑爲立剖之兵民

咸悅服焉卒祀名宦祠同旗有武國楹者任至浙江按察使清慎慈和貧至不能具饗殮

聖祖仁皇帝南巡善其治賜予優渥後陞福建布政使尋卒崇祀浙江名宦祠

張肇經

張肇經漢軍鑲紅旗人任杭州府通判才猷練達剖決明敏案無留牘民無冤獄一時有神明之頌靖共厥職以勞卒於官杭州民人思之康熙四十

一年崇祀名宦祠同旗有趙士珩字楚卿者任湖廣巴陵縣知縣均徭役請蠲荒糧政簡刑清設登瀛會以造士文風丕振士民德之亦崇祀名宦祠以上二十六人並舊志所載

漢軍正藍旗外任官

張朝瑞

張朝瑞漢軍正藍旗人世居遼東廣寧順治五年知河南登封縣少年老成洞悉民隱邑經兵燹土

地荒蕪多方招徠給牛種勸開墾凋殘頓蘇衙署傾圯捐俸重修又修理學宮雅意作人纂修邑志立義學課士嚴保甲靖盜賊士民德之秩滿陞河南道御史巡按湖北父老追送百餘里後崇祀登封縣名宦祠

張登選

張登選漢軍正藍旗人順治十二年進士仕至浙江按察使執法公平獄無枉滯浙江經逆藩耿精

忠之亂寇盜充斥男女流離登選爲設法贖之完聚甚衆民感其恩康熙三十年十二月崇祀各宦祠

梁繼祖

梁繼祖漢軍正藍旗人世居義州康熙元年由舉人知五臺縣稟遵

聖諭每逢朔望躬詣城隍廟親爲講解諄諄然以敦教化厚風俗爲務奸宄革面豪強屏肅勸止鬪爭嚴禁

賭博堪巖匿盜之藪悉皆解散初蒞任見學宮荒廢捐俸補葺宮牆煥然一新署前有隙地一塊建文昌祠延師教授生童四鄉亦廣立義學貧乏不能讀書者皆教育其中由是科名蔚起又蓋造養濟院一所窮獨鰥寡存活甚衆陞江南六安州知州又陞平陽府知府尋卒三十五年五臺縣士民思其德崇祀名宦祠

劉際昌

劉際昌漢軍正藍旗人康熙初年由舉人任河南
考城縣知縣剛方寡言笑處事明斷迎刃而解時
鄉有盜警親率健卒夜往擒之盡獲由此羣盜屏
息復捐俸修學宮殿廡振興文教尋陞雲南曲靖
軍民府知府馬龍州知州後崇祀考城縣名宦祠

劉靖寰

劉靖寰漢軍正藍旗人康熙九年由廕生任四川
犍爲縣知縣時地方初靖前軍興時相沿派辦差

務甚繁胥吏假公濟私侵漁百姓常例之外多所
苛求靖寰訪知其弊悉革之出納有經事治而民
不病州人德之崇祀名宦祠同旗有劉際亨字賓
虞者康熙二十五年由廕生任四川夾江縣知縣
亦當逆藩吳三桂變亂之後都邑荒蕪際亨修理
城垣開築新堰有功地方尋陞工部主事士民思
之崇祀本縣名宦祠

甘國基

甘國基漢軍正藍旗人康熙二十七年任山西太原府知府正躬率屬除舊政之病民者修學校課生童士風鼓舞每月朔望勤講

聖諭實心化民折獄明允片言立決嚴訪胥蠹豪惡斂迹又捐俸覓乳母養育嬰兒設立義塚收埋枯骨潔已奉公民皆感頌累陞至河南布政使禁私派革火耗懲貪酷舉廉能民間利弊加意興除又延名師以主書院捐義田以資膏火凡有關名節之事

曲意成全被恩者至今頌之山西河南並崇祀名

宦祠

以上七人並舊志所載

漢軍鑲藍旗外任官

魏明德

魏明德漢軍鑲藍旗人康熙十五年以護軍從征福建逆藩耿精忠事平委知龍溪縣旋調赴軍前十八年再任龍溪性寬簡遇事敢爲時軍需夫役旁午交至明德按籍均應無所瞻徇軍士佔民房

者請諸大帥立還之邑人感其德祀之名宦祠

何偉

何偉漢軍鑲藍旗人康熙二十三年由廕生任浙江遂安縣知縣遇紳士有禮然正直自矢不可干以私剖決庶務民無枉抑田地山場有虛糧者勘實具結請均攤本里不使偏累課額亦不虧捐俸重修學宮振興文教衡文察行懲勸並行士皆淬勵三十九年陞江南和州知州以治遂安者治之

居五年卒於任先是鑲紅旗漢軍石參爲和州十年清廉慈惠多善政比卒和民立祠以祀之至是奉偉合祀號曰二賢牧祠

劉顯謨

劉顯謨漢軍鑲藍旗人由官學生考取內閣中書陞內閣侍讀從鎮南將軍莽依圖南征八年陞刑部員外郎旋陞工部郎中康熙二十七年外轉分巡荆南道按察司僉事在任敦崇節儉立義學省

刑罰禁私徭雜派兵民相安尋兼監視三府河工
修築堅固親身督率隄防百姓安堵陞山西河南
道卒於官荊州人思其德崇祀名宦祠八

齊宗德

齊宗德漢軍鑲藍旗人康熙三十五年任陽山縣
知縣到任後首隆學校多士奮興陋規雜派次第
革除民無擾累四十一年邑被大水城垣濠塹及
人民廬舍多倒塌湮沒宗德爲捐俸修築俱得完

固在任九年興利除害勸課農桑省刑薄斂澹薄
自甘民霑寔惠四十四年丁母憂歸通邑如失恬
侍勒像於石以誌去思焉

阿琳

阿琳字玉山漢軍鑲藍旗人由廕生任部曹康熙
四十年外補福建汀漳道副使漳俗苦奸民豪橫
琳執其尤黠者置之法餘則榜其過惡於門使知
愧悔於是豪強斂戢修理學宮導民嚮學歲饑出

俸金為粥賑之民甚賴焉尋陞貴州按察使累官至太僕寺卿卒康熙六十一年閩人思之崇祀名

宦祠以上五人並舊志所載

欽定八旗通志卷二百二十九

欽定八旗通志卷二百四十四

人物志一百二十

孝義傳

謹案孝弟皆庸行又皆良知良能也而古稱孝弟之至通於神明又何其誠開金石精貫三靈歟蓋五常百行之根本具在於是人心世道之綱維亦具在於是充其量雖大聖大賢不敢自謂能無憾而匹夫匹婦一念之勃發往往能動天地而感風雷諸史所錄代不數人明其難也所錄又多閭里微末之人不必皆出士大夫明人人可以勉而企也八旗風氣淳朴人敦至性又涵濡

聖朝之化澤環居輦轍觀感尤深故內行篤修視為恒事譬諸越無縛秦

無慮人人能作轉不以是為能舊志所載寥寥無多良以是也然幸存什一於千百豈可復使各伏簡牘竟泯幽光今一具錄以傳不朽近時潛德外彰得邀旌表者亦一一續載蓋惟不近名其名乃真凡有考者固不能不鄭重而表章之矣

達拜

達拜滿洲鑲白旗人姓郭爾羅斯氏世居沾河地

方年十二

太宗文皇帝選取隨侍肅親王豪格王年亦幼達拜斯夕不離比王年長分封令達拜掌王府錢穀事

太宗復遣回任用屢試以事五年復取詣王府又遣索尼

巴克式

諭王曰達拜忠慎爾其信任之順治三年肅親王往征四川達拜從行有功四年破張獻忠等賊凱還時睿王攝政惡肅親王不附已誣致其罪幽禁之王府舊時護衛人員俱不敢近惟達拜不避相害日往伺候具飲食親送至禁所王性不喜穀食達拜令妻手治具烹魚縷切如王素所嗜而後進詢門者

王飲食如常歸卽欣喜如云王憂懼飲食減少歸卽涕泣憤悶閉目終日不言語不飲食至五年王薨達拜哭泣盡哀助王府備衣棺治喪事既葬踰月達拜上月墳訖叩辭王二子歸卽自經以殉睿王聞之大怒下令暴其屍執其家人踰數日莫能殯歛義烈之氣路人皆爲哀感順治七年

世祖章皇帝親政肅親王寃得白達拜之父朱馬海携二孫噶爾哈圖杭藹以達拜殉義事叩

關第四日傳至吏部奉

特旨云察例以身殉王無給官職之例但達拜當伊王獲罪之時不顧利害生死以身從之甚屬可憫可照殉

太宗皇帝大臣例給與三等輕車都尉著伊長子噶爾哈圖承襲世世罔替又

勅附葬肅親王墳園以旌其義先是達拜之兄敦達禮於太宗文皇帝賓天時以死從殉特給世職故

世祖用其例推恩達拜八旗人士亦傳誦其兄弟忠義並

堪不朽云

和爾渾

和爾渾者亦滿洲鑲白旗人性忠義不避利害自少小時卽與達拜友善達拜以肅親王寃死發憤從殉忤睿王暴其屍又盡收其妻子下詔獄加嚴刑達拜屍暴露數日僅覆以席親黨環視哀悼而已莫敢收斂和爾渾獨憤然直前竊負其屍手爲包裹藏於荒廟達拜妻子得釋始就廟中得全屍

以葬和爾渾之義烈亦與達拜並稱於時云

夏穆善

夏穆善滿洲正紅旗人原任

盛京將軍葉克書次子初爲噶布什賢轄有勇好義崇德三年從征明至山東與碩翁科洛巴圖魯敗吳總鎮兵五年從征明圍錦州與布丹敗明杏山兵七年圍錦州又與沙爾呼達敗明經略洪承疇三營兵比洪承疇兵與右翼戰又同布丹敗之武

英郡王阿濟格駐扎杏山遣夏穆善往寧遠探捉
間諜歸至烏喇峯前有寧遠兵六百人來追卽與
鄂碩同擊敗之順治元年隨睿王多爾袞入山海
關追流賊於安肅慶都並有功十一月從豫親王
多鐸南征與布丹五敗流寇於潼關二年五月隨
豫親王克南京有敵兵來攻江寧府橋卽與富喀
擊敗其衆時明福王已遁隨圖賴等往跡之遇賊
兵卽同科爾坤敗之二年二月隨征南大將軍貝

勒博洛往定福建有偽副將守白楓嶺與敦多敗
其衆過嶺與和託敗偽帥吳愷兵遂與巴音岱進
兵司西舖至渡口敗其守兵捉生逐哨斬五十五
人生得三人論功授半個前程三遇

恩詔累加至三等輕車都尉九年三月多羅順承郡王勒
克德渾薨逝夏穆善以其本旗之王思遇素厚遂
慷慨從死禮部以聞奉

旨這殉死可嘉著給與雲騎尉後不爲例於是由三等輕

欽廉車都尉加爲二等輕車都尉以第五子翔格色承襲仍

賞卹如典禮人服其好義咸稱爲從前未有云

沙木哈

沙木哈滿洲鑲白旗人性孝友康熙三年春正月

沙木哈爲弟三泰毆傷瀕死本旗執其弟送刑部

沙木哈自念同胞止有一弟倘身死弟又抵罪無

人守先墓撫諸孤令其妻哈里克言於官活三泰

之命比沙木哈死哈里克遵遺言叩首父前

闡求賞三泰罪得

旨從所請免其弟死哈里克仍自盡以殉夫事聞部議

旌表奉

旨命禮部立碑墓上書其事於石夫婦孝義八旗並傳頌

焉

范承譜

范承譜漢軍鑲黃旗人幼讀書知忠孝大義康熙

十二年從族兄福建總督承謨赴任助理政務明年鎮守福建靖南王耿精忠假公事誘執承謨據福建反以承謨等數人在幕中任事併執之勒令降不屈拘幽三載十五年康親王傑書統兵入閩精忠害承謨併害承謨等四十七年承謨子廣東巡撫時崇疏奏承謨等仗義死事言臣父殉難時相隨殉難者共五十三人內有生員嵇永仁王龍光儒士沈天成族叔范承謨伊等同臣父被逆幽

囚三載矢死不屈守節盡忠仰祈

特沛恩綸

予以一命之榮入於臣父祠堂得邀陪祀之典等語禮部議覆言十七年浙江巡撫陳秉直因遊擊魏萬侯之子生員魏棟與伊父同時殉難題請

賜卹吏部等衙門議覆生員殉難者無

恩卹之例將生員魏棟酌量贈國子監助教加贈官員

例應擬給

勅命移送內閣擬撰給發在案今生員嵇永仁王龍光

照例追贈國子監助教其沈天成范承譜俱係百

身雖無追贈之例但伊等遭逆不屈與范承謨同

時殉難應將沈天成范承譜酌量追贈國子監學

正俱照例送內閣撰給

勅命其嵇永仁等四人應如巡撫范時崇之請准入范

承謨祠堂陪祀奉

諭旨令范承譜等四人並設主從祀承謨祠

甘國城

甘國城漢軍正藍旗人原任雲貴總督文焜第四

子也性至孝知大義初補國學生文焜由直隸巡

撫陞雲貴總督丁內艱歸葬請終制不許復赴任

間關南北馳驅萬里諸子分仕四方惟國城相依

隨行跬步不忍離文焜起復赴任僅兩月而吳三

桂據雲南反貴州兵將俱已受三桂賄餌全城從

逆文焜繼其眷屬七人率國城及二筆帖式馳赴

鎮遠府欲用鎮遠城守兵搯油榨關以拒三桂而
守將江義又已降賊文焜知事不可爲遂至吉祥
寺自刎以殉國城哭泣具棺歛訖卽自經於父柩
之旁二筆帖式亦從死焉二筆帖式一名雅圖滿
洲鑲黃旗人給雲騎尉世職一名何善亦滿洲人
旗分未詳後貴州巡撫閻興邦請於

朝建祠祀文焜

賜祠名勁節黔人議以國城及二筆帖式從祀於祠未及

上聞云

陳汝器

陳汝器漢軍鑲紅旗人生而至孝父啟泰任福建
巡海道康熙十三年耿精忠叛啟泰全家殉難汝
器赴漳州扶柩被海賊劫掠下海幽囚兩載不屈
乘間冒險逃歸颶風毒霧出沒波濤竟以其父柩
還家

聖祖仁皇帝嘉其父子忠義優贈啟泰工部右侍郎諡忠

毅

賞祭葬如例汝器以通政司左右通政大理寺少卿用二十
十年十一月補右通政尋陞左二十二年二月陞
右僉都御史遇事陳奏侃侃二十三年陞太僕寺
卿二十七年五月陞大理寺卿三十三年十一月
陞刑部侍郎三十五年巡撫安徽等處三十七年
罷歸四十年任佐領雍正四年以老乞休尋卒

鄂素

鄂素字紹德一字位公姓完顏氏滿洲鑲黃旗人
父名阿什坦鄂素生而孝友三歲時乳母持餽與
之不肯遽食曰待兄來當共食之待父母側命之
坐不肯遽坐曰兄尚未坐與兄赫世亨和素同居
四十年未嘗有不豫之色母卒時甫七歲卽擗踊
悲號幾於滅性及見父則抑哀承顏昏定晨省倦
倦不倦有事他出必依戀親側久之乃行兩事繼
母從未失口稱繼字繼母亦撫愛特甚父母寢

疾親奉湯藥禱天祈壽衣帶不解面垢不盥父沒
哀毀瘠羸杖而後能起力疾治喪又與兄和素謀
曰父母之恩昊天罔極按禮士大夫皆有家廟今
必爲父母立祠堂朝夕瞻拜庶幾事亡如存於是
鳩工構堂於居室之東朔望奠祭歲時蒸嘗必誠
必敬兄偶外出寢食懷思遣人問起居計資斧度
僕馬約歸期絡繹不絕及歸相見則喜溢顏色居
常得一食必使人饋之二兄然後食或得帛將製

衣必先爲二兄製然後衣居官二十載無私財無
私蓄焉次妹再繼母出也于歸有期因商之兄曰
母在資奩猶可斟酌今惟吾兄弟是依若少不備
何以自安於是罄已所有悉以資之家庭間藹然
以和又肅然有則僕婢數十口未嘗怒置鞭笞皆
翕然不忍負儼然不敢犯待族黨少長有序相聯
以親睦婚喪拮据必周其艱難行李往來必濟其
匱乏不遺餘力乃已待朋友亦然性嗜詩書善騎

射公退手不釋卷時出游則馳射破的以爲娛留心經史見一嘉言善行是則是做嘗語兄和素曰吾人讀書貴乎身體而力行不徒慕淹雅之譽至於文辭要在意達理暢不可馳騫靡麗之工兄弟時時促膝聚談公署所行互相咨訪是非利弊折衷歸一論賢否析理欲輒至繼膏更僕康熙二十一年奉

命看管膳錄通鑑等書謂諸生曰爾等徒抄寫而不識之

於心豈不虛曠此日因令其每暮歸時俾各述所錄之書不能者有罰因之各知刻勵學問多有進者弱冠時爲內務府筆帖式有呈狀者應筆帖式取供辭達情盡虛實昭然總管深異之遂委爲筆帖式長十六年授總管內務府主事政務清理十八年陞愼刑司員外郎聽訟務得其情人稱爲白面包公二十年遷本司郎中

聖祖仁皇帝特旨云朕用人不拘資俸淺深因爾勤敏特

擢斯職二十二年又奉

特旨兼管佐領先是京師舊俗喪家棺衣輿具皆出租賃無賴小人分占坊巷勒索百端貧者傾家莫辦因捐資製造為本佐領喪家公用且立一義會糾約所屬勿分貴賤但遇有喪之家每人出銀一錢相助謂捐者微則人易為力所湊者多則其事易集是後貧家之喪不苦於殯歛至今便之二十三年奉

命管看膳錄

太皇太后御覽書籍告成賞銀五十兩又奉

特旨鄂素賢能著聞著同侍郎等修濬下河二十八年重修大清律例部臣請簡才能官纂修

聖祖特旨慎刑司郎中鄂素文理既通又練達事體著同部員纂修二十九年授掌印郎中旋奉差督理通惠河漕運街道抽分倉廩兼理永平密雲紅號等事到任卽咨工部免徵三十七州縣稅課一日忽心動

日吾兄病矣自灤州關一晝夜馳還沿途祈禱願減算與兄誓茹素三年至家兄果病且困喜見其至豁然甦病亦漸輕然親視湯藥寢食不離者兩月餘兄疾痊始之任三十一年以病猶茹素

聖祖聞之遣醫診視且著來京攝養及病篤又增遣良醫調理併令其入

宮長女出視旣卒

聖祖惋惜者久之

特降諭旨郎中鄂素病卒於官深爲可憫著護柩入城歸第比喪旋時廨中胥吏河上役夫與通州商民咸悲慟如喪所親年四十一歲子留保辛丑進士後任通政使兼詹事署理翰林院掌院學士事

翁杜

翁杜滿洲鑲白旗人副都統圖克善之次子也性篤孝康熙四十二年八月圖克善病服藥不能愈翁杜年甫十八日夕傍徨聞古有割股愈親疾者

遂於密室割左臂肉和藥以進父病旋愈闔旗稱
爲孝子五十二年翰林院奉
旨修滿洲氏族大全本旗都統以翁杜割股事造入冊內
移送書局焉

佟良

佟良蒙古鑲黃旗人事親以孝稱其母於康熙四
十九年五月得病醫治不愈佟良遂於庭中焚香
叩拜默爲禱祈潛入已室將左臂肉割取一片託

言祭肉奉母食之其母於第三日病愈又伊二兄
烏糊額患吐血病甚篤佟良往東嶽廟祈禱於右
臂燃燈七盞焚香禱神願減己算移與伊兄自是
兄病亦愈佟良後任天津州防禦割股燃臂雖未
合於正理其孝友之誠亦可嘉焉

鍾保

鍾保滿洲鑲黃旗人幼時卽以孝稱父母訓誨語
必敬守無違出必告反必面每事先意承志父希

普以步軍校從征逆藩吳三桂有功比積俸將得遷轉鍾保念父年老力勸請休家居就食昕夕不少違前母所出兄析居蕩產先卒鍾保撫其孤俾同居教育婚娶祖遺田宅悉推與之康熙三十九年由官學生補刑部筆帖式累遷本部員外郎調內務府旋任倉場監督任滿陞刑部郎中五十二年父沒居喪哀慟水漿不入口者三日或戒以母在不當致毀始節哀事母尤謹每公退歸必依依

母側夜歸亦必於窗外候母動息安而後歸寢母有弟二人貧苦鍾保體母志竭力周之年四十餘孺慕不少改雍正二年

恩詔命天下舉孝子順孫本旗公舉鍾保應

詔事下禮部議覆給銀三十兩建坊旌門奉

旨依議尋奉

特旨授甘肅按察使遷布政使緣事罷歸復起官湖北布

政陞湖南巡撫調任湖北後任工部侍郎

覺羅色爾岱

覺羅色爾岱鑲紅旗人

景祖翼皇帝長兄之七世孫也性篤孝年十七歲時父病不脫衣帶侍養日久醫藥無效病漸危急色爾岱夜深獨至庭中飲泣禱天願以身代取利刃剖左臂肉爲湯以進疾乃少間父沒後事寡母益孝謹母病飲食減少則已亦節飲食或病不能飲食則已亦不飲食母疾愈飲食復初然後已亦飲食族

黨歎羨咸以爲難雍正元年

恩詔令天下舉忠孝節義之人色爾岱時以官學生任緞疋庫庫使於是從兄翰林院庶吉士覺羅恩壽戶部員外郎覺羅栢修等率同宗族公舉色爾岱孝行以應

詔旨下禮部議給銀三十兩建坊

旌表其家色爾岱辦事精明而誠篤六年授銀庫主事仍兼管緞疋庫使時

國家承平日久府庫充實緡疋多朽蝨前後司庫者
交代盤查約略檢點而已莫能稽其細數或架滿
無度闕之所則委積於地色爾岱謂

國用所關理宜清核請於總理三庫王大臣分別新
舊朽蝨爲三等三月而畢數目井然自是前後官
可以按數交代不致侵蝕其委積在地者色爾岱
復捐已所應得公費飯銀約二千兩造架盛閣煥
然一新王大臣等奇其才守共保薦之屢加遷擢

後任銀庫掌印郎中

克什布

克什布滿洲鑲紅旗包衣人任三等侍衛事親至
孝母病危篤醫者言不可起克什布遂於夜靜時
扃密室剖臂肉熟而進之母病頓愈宗族稱其孝

雍正二年

詔舉節孝本旗以克什布孝行咨部奏
聞准建坊旌表給坊銀三十兩如例

舒蘭

舒蘭滿洲正紅旗人居家孝友父名敦多禮任刑部侍郎緣事革職奉

旨發往黑龍江在雲騎尉品級上効力行走時舒蘭任戶部筆帖式卽具呈辭職言父有罪遠去數千里之外人子豈忍不隨之同去尙書等以非例不允舒蘭哀懇不已始憫其孝思據情

上聞准隨父之黑龍江八年

聖祖仁皇帝特降恩旨敦多禮今已年老著回京於是隨父歸復補理藩院筆帖式昏定晨省無間朝夕宗族鄉黨無不稱爲至孝

聖祖仁皇帝屢向大臣拉錫等稱其孝行有聞得舒蘭甚孝之

旨平居在族黨敬長慈幼人人以爲矜式尋陞理藩院主事康熙三十五年七月大兵破噶爾丹

聖祖降勅書於策妄阿喇布坦

特命舒蘭馳驛資至西寧付回回首長喀錫色勒葉大魁
啟德等轉送事畢還朝是年九月

聖祖以噶爾丹尚存活將再行

親征舒蘭復隨

駕往寧夏三十七年四月隨大學士馬齊都統吳達禪滿
丕等往與喀爾喀立盟三十八年四月初三日隨
都統吳達禪護軍統領車克楚往收巴爾虎是年
閏七月復同都統吳達禪滿丕分派巴爾虎旗分

佐領九月十六日巴爾虎佐領額克圖率合佐領
下人將副使阿必達驍騎校班迪暨牧馬人共十
一人殺死又將

御馬羣八百餘匹牧馬人私馬四百餘匹駝三十餘
匹驅之而逃

特旨命舒蘭馳驛急往取一的信候往追之散秩大臣諾
爾布兵回再來覆旨舒蘭卽於是月二十日起程二十
二日至鑲黃旗察哈爾所居蘇木哈達地方猶恐

候諾爾布等回遲延時日先遣察哈爾撥什庫翁
我代等六人分三路前往迎探二十六日翁我代
等至云至薩穆諾渾奴魯等處採探總無回兵之
信且未曾遇一人舒萬念天寒草枯追兵深入馬
皆疲瘦若候其回定延時日乃一面遣撥什庫將
此情由

奏明白率詣察哈爾路徑者四人卽於二十七日起
程循回兵之路迎候取信直至邊外至喀爾喀王

查兒貝勒之祖母博迪蘇克喀屯所居必爾呵呼
地方始遇散秩大臣諾爾布叩其的音是夜遂曉
諭鄂爾坤圖拉伯兒扯兒色稜額左近所居蘇克
金僧格貝勒等八旗鄂濃巴爾集地方所居扎薩
克台吉羅卜藏額爾德尼等言巴爾虎喀克圖等
負

皇上之恩殺察哈爾官兵偷盜

御馬而逃若至汝等地方不拘那一旗卽執而斬之

或匿居何處急速報部遂書此諭於押印空紙上
附於博迪蘇克喀屯之長史官杜立馬命其遣能
人從間道超過巴爾虎特至查薩克令其互相傳
遞務必於巴爾虎未到之先到彼傳諭分派已完

回京奏

聞卽奉

旨吳達禪喀瓦爾達率兵往追著舒蘭馳驛先至左翼四
旗派察哈爾官兵二百人額魯特善放鳥鎗者八十人

等候吳達禪等此處我另派新滿洲侍衛二十人前往
舒蘭奏言臣派往察哈爾兵訖候大人等到願隨
大人等一同出征

聖祖許之舒蘭隨大人等出征未至其處公西布退哈坦
巴圖魯等八旗已遵從前舒蘭曉諭劄付於巴爾
虎未至之先各處整兵預備巴爾虎至其地次日
衆扎薩克兵并至圍繞執爲首者斬之遣撥什庫
色德來奏

聖祖大喜特陞撥什庫色德爲理藩院主事又封公西布
退哈坦爲貝子舒蘭亦陞內閣侍讀四十三年四
月奉

命同乾清門侍衛拉錫往窮黃河之源七月始還奏言臣
等奉使巡察黃河發源處於康熙四十三年四月
初三日奉

訓旨言黃河之源雖名古兒班索而味其實發源處從無
人到爾等務須窮源明白察視其河流於雪山自何處

流入雪山邊內凡經流等處宜詳閱之若至其地瘴氣
甚厲可進則進不可則止不必泥旨強進臣等欽此欽

遵於康熙四十三年四月初四日自京起程五月
十三日至呼呼諾兒地方有大澤其水色深碧中
央水高澤之西岸有石山一土山三東西較寬南
北少窄澤周圍六百餘里產魚二種身圓而無鱗
腹寬頭尾尖削其色黃其口齊身有黑點自二三
寸至四五尺長不等口小者蒙古名爲那胡口大

者名爲布哈十四日至貝勒色卜騰札兒所居地
名呼呼卜拉克十五日居其地十六日貝勒色卜
騰札兒同臣等起程六月初七日至星宿海之東
有澤名鄂陵周圍二百餘里初八日至鄂陵之西
又有澤名札陵亦周圍三百里鄂林之西札陵之
東相隔三十里此二澤亦產那胡布哈等魚初九
日至星宿海蒙古名鄂敦塔拉擇山之至高者登
而視之觀星宿海之源小泉萬億不可勝數周圍

羣山蒙古名爲庫兒棍卽崑崙也南有高山名古
兒班吐而哈西南高山名布胡珠而黑西有高山
名巴而布哈北有高山名阿克塔陰齊奇東北高
山名烏闌杜石古兒班吐而哈諸泉西番國名爲
噶爾馬塘巴而布哈山諸泉名爲噶爾馬淦穆郎
阿克塔陰齊奇山諸泉名爲噶爾馬沁尼三山之
泉流出三支河卽古兒班索而嘛也三河往東順
流入於札陵自札陵一支流入鄂陵自鄂陵流出

之河乃黃河也除此而他山之泉與平地之泉流出爲小河者不可勝數盡歸黃河朝東而下自呼諾兒雪山以至於星宿海一路產野牛野驢豹獐獺兒獾子等獸臣等自星宿海於六月十一日回程欲看冰山之形并黃河向何方流去等處故離原去之路向東南行二日登哈而給山見黃河往東而流至呼呼托羅海山又向南流繞撒除克

山之南又北流至巴而托羅海之南流去第二日至冰山之西但見其山最高雲霧蔽之蒙古言此山長二百餘里九高峰自古至今未見冰消者終日雲霧常雨雪一月之中得晴三四日而已自此回行十六日至席拉庫特爾之地尋看黃河流入雪山邊內之處又向南行過僧庫里高嶺行百餘里又至黃河岸見黃河自巴而托羅海山向東北流於歸德堡之北邊哈山之南從兩山峽中流入

蘭州臣等謹將黃河發源山川之圖恭呈

御覽自京至星宿海共七千六百餘里寧夏之西由松山

至星宿海天氣漸低地勢漸高人氣閉塞故多喘

息非瘴氣也是年陞侍讀學士十二月奉

命往封西海地方王貝勒等陞內閣學士四十四年七月

鄂羅斯初次從喀爾喀路逕來貢併請互市

特旨命舒蘭至鄂羅斯邊界經理止許二百人來京其餘

皆留於邊界鄂羅斯來者七百餘人舒蘭率其二百人

進京至今爲例四十五年十二月奉使西域封喇

藏爲汗并捉拿爲達賴喇嘛因受西藏瘴氣得病

乞休居家養病七年病漸愈五十二年

特旨復起用內閣學士兼禮部侍郎是年冬復兼光祿寺

卿十二月陞工部侍郎在內閣學士任內遇

聖祖萬壽覃恩得廕一子以族子名巴郎阿者人頗誠篤

而家貧親老卽以

恩廕予之人以爲難五十九年卒年六十八子三人次子

塞爾登中辛卯科舉人

以上舊志所載

王瓚

王瓚漢軍正白旗人係拔貢生素行純孝其母病歿三年廬於墓側哀毀盡禮於乾隆七年

旌表

多永握

多永握滿洲鑲白旗人係貢生幼年喪父孝於慈母友於兄弟和睦鄉里為人樸實行止謹慎咨請

旌表乾隆三年二月奉

旨賞給六品頂帶榮身

雅哈理

雅哈理滿洲鑲白旗人孝於慈母友於兄弟和睦鄉里為人樸實行止謹慎咨請

旌表乾隆三年三月奉

旨賞給六品頂帶榮身

扎史

扎史蒙古鑲藍旗人係貢生孝於慈母友於兄弟
和睦鄉里為入樸實行止謹慎咨請

旌表乾隆三年三月奉

旨賞給六品頂帶榮身

欽定八旗通志卷二百四十

